


www.BibleForChildren.org

Matiu 26



Jesuho Pasova
rehuna na'ia
iropune kwino
na'eme Petani roana.
Ijaho Rasarasi ka'ene
Jesura vejume kú'o 'urinajaho
ijí hinuna. Merira senisia
ka'ene iha Natia huni
ahija monia natozwi
'imejara kaivo niho'o mavarasa'ina
'omo apene usee Jesuni mumora
'ahi 'ona'i kaivo huni húmata sapasa
kajino mumora 'ukunahana. 'Ejumakame
senisia amua kajara sea vaja rarenana.



Iji'a Jutasi Isikariati ka'ene ea iropu ropu no'o
ijhipuni ea pina'omo va'e pirisiti mama'ina kajihi
pu'úmo 'wame nimaa vene Jesuho
nahame mihunijaho 'waramana.

'Ejume pirisiti mama'ina
kajija ijí hejajaho niho'o
teamanama parajumakame
monia hu vaja'iro nahama
'waravume hu aneja
vene Jesu pu
mihuni 'unama
samana.



'Ejume Huni tisaiporua kajija
Jesura 'warama kaja venareja pu
Pasova amairiara. Ijǎ pu hine i'eme
Jesura puretia kajaho apenarena
Godoni siporua 'one teamani
'wa'ika'i iji'a túchamaa Huni
tisaiporua vajihi'i ijá 'iama Ikaho
Nuni hahakúne 'eke iha 'iamana.



'Enarena vukú'o kapusia ka'ene
toa rukinijaho apene Godoni
siporua 'one teamani 'wa'ika'i pu
vajihi'i ijá 'iama Ja maho'o ikaho
iha! Ijihuni maijaho ikaho Nuni
'aa ka'ene eaka mapoki jhipuni
siseijihuna'e 'arihakame puni
sisea pa'arehunaka nimaa
vena 'waramajina 'iamana.



'Ejume Hu Saimani ijá 'wama Saimani hena! Setani
aa'e apena'e areri 'witia ruarahu ja'ina'e ruara'i
'ahau'e ura reju'e ro 'ejahie 'warimana.'Enakaivo Na
oni siporua 'ojura'omo ara nimaa ronujaho pa'ohuna.
'Enareje a kú'o 'uname Nuni ro'amajaho ara Nuni
ehijakija najahakame
pura nimaa rojujaho
ija kisi apena puni
una'i saname
vehuna 'wamana.




'Ejume Pitara ijá 'wama Natohwe na niareri rena
hijura'omo A tipurai va'amajaho na A hu'úmo vahuna.
'Ee A kwa'amajaho na A hu'úmo kwahuna 'wamana.
'Ejume Hu ijá 'wama Pita Na nima aa'e 'waravu.
'U'ora iviasa mai'o pa'ume'eje a 'aha no'opisu Na
pakimuna 'ia'eje iji'a 'u'ora 'umehuna 'wamana.



'Ene Jesuho Huni tisaiporu
aherama roarena roe kwaa
iha Ketasimani pu ijá
'iama Ja ikano hi'eje
Na va'e karohi siporua
'ojuma 'iamana. Hu ijí
siporua 'one ijá 'wama
Amo Amo A uneunecha
mapoka areri veji'ina.
'Enakúne veje ike kapusia
ka'ene Nununai namuji ape
va'a. 'Ene Nuni ura ijaho
pana kaivo oni ura ijara
renama 'wamana.



Pirisiti mama'ina 'ee Parasi ijipo Jutasi Romu puni
sorutia 'ee hirisima vajahume aherame naheha 'ee
tosia 'ee juha hajaa vene roara.'Enarena ea
pini huni so'wi mavane 'urine pirisiti
ni'inijihuni pwea pinijihuni ataa
ka'ene mana'inijaho 'anaume
'uhu'usahana. 'Enakaivo
Jesura eha vene ijá
'wama Ijá kajaho arema
'wa'ika'i Hu huni ataa iji
'unavume maranana.



Pu Hu kamome apene pirisitia ni'inijihuni sei va'ume
Pitaho ma kameri naminakivi'i 'arariha va'ana.

'E'eme vena nú'úha riri
jaumakame Pitaho pu
pu'úmo asuma hinana.




Pirisiti ni'ini jihuni pwea
ka'ene Pitara 'anaume
ataa 'uhu'usunaha
jihuni ea pini ijá 'wama
'Ú a Hu hu'úmo juasi'i
kavute? 'wamana. 'Ejume
Pita kú'o he'eme ni'aha
kwino 'u'ora 'umenana. E'eme
Natohwijara aroma Pita ka'eme
Pitaho iji'a Natohwijara iraka
ka'ene 'waramajaho vwihanana
'U'ora mai'o 'ume'i 'ahae ve'eje
a 'aha no'opisu Na pakimuna
'i'ena 'wamana. 'Ejume Pitaho
ijí vwihanarena samai va'e'une
niho'o natohwa'e niramana.




'Enarena ea mapoka kajipo 'urine
Hu aheme Pairati oni va'ara. 'Ejume
Pairatira Hu apoma ijá 'wama A Jua
puni Kinie? 'wamana. 'Ejume Hu eha
vene ijá 'wama Ara
'warimu kaja'ina
'wamana. Pairatira ura
renajaho Jesu ranave
vahuna'e ura rejume ea
mapokijihi kú'o 'waramana.

'Enakaivo pu ira ajira'e ijá
'umeja Icha 'ahi 'anaa!

Icha 'ahi 'anaa! 'umejara.




'Ejume hu Hu apene icha 'ahi
'ana'avarono mihana. 'Ejume
pu Hu ahema va usevume Jesu
ichaka Hu 'anahunijaho tapana
va'e kwaa iha Korukata 'wavuji
va'ana. Ijaho Hipuru puni iri
Húmata Ata 'wavura.



Pu ijí Hu icha 'ahi 'anaara. 'Ene ea
no'ohe'i pina ronui 'anae pina
'u'o ronui 'anaara kaivo
Jesuho riri 'anaara.



'E'eme vea na'i'eme Temiporu vaji ateha natohwa
ka'ene 'uranavume namajaho rira mu'oi kajino isome
no'ohe'i renana. 'E'eme Jesura
ira ajira'e ijá 'umena Amo
Oni ija 'ahi Na Nuni 'Avena
ranavu 'wa'ika'i oja sumana.



Josapi ka'ene Aramatia ora
kanisorua pina ea mapoka hu
hena kavura'omo hu Godoni
arijara rohuni 'ajaha
hiji'ina'omo hu roe
pajuvi'i Pairati oni
va'e Jesuni hahiji
ape'i 'waramana.

'Ejume Josapi
va'e ateha 'imene
roe hu Jesu korosi
'ahi apene ateha kaji
mwame apene va'e
muna ara ka'ene
mai'o 'uhuajihuni vaji
rana'ika'i muna
tahuma apene ira
tanunanamana.



Pura Pasova amairiaravari
sú'uhwijino pirisitia
mama'ina 'ee Parasia
Pairati pu'úmo va'e
rira kwinu ahuvava.
'Enareja pu Pairati
ijá 'wava Natohwe
nú ivi'a vwihaaju.



Hu pakwa'ika'i
mai'o hinani vejino
pisivisavi'inakara
ijá 'úmane Na'ia
no'opisu pa'are'eje
Na kú'o 'uri'eju
'úmana 'wavara.



'Ejumakame pu
va'e eucha kajaho
niho'o tanume kuma
kisima'ura vene 'ee
ea iji 'ajoha namihuna
irechamie muna
tanuvume paranana.




'Ejume Sapati pa'arejume
Hurapoki sú'u sú'u vea
nitu'eju'e Meri Matarini'o
vu Meri ka'ene napara
pina iji'i pu no'o va'e
ijí eucha kaji ka'i
'ahiume roara.



'E'eme mwe'a varivura niho'o
ni'ima'ura ro'eme Notohwi jihuni
ona oji'ini kahi akúpa 'ahi
rena roarena muna kajaho
tahumapene rori
rova'ika'i ijihuni toi
asuma hinana.

'Ejumakame ea
ka'ene ijí 'ajoha

namijajija niho'o
simarame tea
junama para'eme
areri kwamasahu
ja'ina'e renaara.



'Ejumakame ona oji'ina kajara eha
vene napara kajija ijá 'iama
Juvujaho areha. Na nihena
kivu. Ja Jesu ka'ene pura
icha 'ahi 'anaaji ka'i
'ahiume roajivara.



'Enakaivo Hu niho'o ikaho pahinu.
Hu nimaraku'a ja 'waravume
hejaja'ina'e Hu ni'urinana.
'Enakúne roe Hura tinia
ka'ene namajaho kaha.



Ejumakame pu euchi rene tea juname
'ee teamanama para'eme oharoharu
ninukujaha va'e Huni tisaiporua
'wara'i va'ara. 'Ene heha!
Jesuho 'e'uru piunime
'ajoramana. 'Ejume pu Huni
mumora 'uname Hu
oja mahara.





'Ene ijihuni túna'i ea iropu ropu kwinu hina 'iruma
i'eme Hu puni roume pu kavumakivi'i Hu pu 'uraraha
jihuni maijaho Hu 'urina hinaji ea mapoka Hu kama
'waravara kaivo puni oja kisima'ura rejumakame pu
panimaa rojajihuna'e avanana. Jesu ka'ene
Natohwijara pu 'waravuma pa'arejume Jesu
apejume akúpa 'ahi va'e Hu Godoni ija
mana'inija'i asuma hinana.



Godi mwe'a kakaho oja niho'o
mahajihuna'e Huni Hariha nikwinuna
kaivo Hu múhana'omo ea irara Hu
nimaa ronujaho hu papa'arehuna
kaivo hu majama hihuna.



Romani 3:23

'Enajihuna'e nú ea mapoka sisea 'ee Godoni
manuriji areria pana.

Romani 6:23

Sisei jihuni 'ehijaho kwamasahuna kaivo Godira swara
ka'ene mamúhajaho Jesu Keriso ka'ene Natohwi jihuni
vaji majama hihuna.

Hipuru 9:27

Emaa kwinu kwino kwamasahuni vea iji pijahu'e
namuna'omo kwamasahareje 'otua vehuna.

Epasasi 2:8,9

Godira maiji vwihanúani vajijino ja nimaa rojajihuna'e
maraniana. Ijaho jara joni harurijino vehuna
pana kaivo Godira swara vene múhana.



Ijaho kaukara'e ja vejakame ijihuna'e veje maranihuna
panakúne ja ea pina jarika pare'amana.

Romani 10:9,10

Ara oni iri Jesuho oni Natohwa 'wa'ika'i Hura kwavume
Godira vejume 'urinaji oni oja vaji nimaa ro'amajaho a
Godoni ea ariramaa rehuna. Ijihuni maijaho ea oja vaji
nimaa ronujaho hu ea ariramaa renuna. 'Ene huni irijino
nahame 'waramajaho hu Godoni ea renana.

Joni 3:16,17

Godi mwe'a kakaho oja niho'o mahajihuna'e Huni Hariha
nikwinuna kaivo Hu múhana'omo ea irara Hu nimaa
ronujaho hu papa'arehuna kaivo hu majama hihuna.
Godi Hariaha ranavume iki mwe'i 'otua pave'i roana kaivo
mwe'akara huni vaji mara'amarono roana.



1 Joni 5:11-13

Iraka ka'ene 'warumajaho ikena. Godi majama hihuna mÚhana 'ee ike majama hihunakaho Huni Harihi jihuni vajina. Ea irara Huni Harihiji apenujaho hu majama hihuna kaivo ea irara Godoni Harihiji papenujaho hu majama hihunijaho papenu. Ike raka ka'ene na vejukaho ja ea irahipo Godoni Harihi jihuni ihiji nima rojujihi puna'e veju. 'Ejakame ja majama hihuna ka'ene apejaji hena ka'avarono veju.



Matiu 26-28; Ruku 22-24; Joni 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Ese Bible (mcq) © 1999, Wycliffe Bible Translators, Inc.
All rights reserved.

<https://live.bible.is/bible/MCQSPP/MAT/1>

©2026 Bible for Children, Inc.

www.M1914.org

www.bibleforchildren.org

